

衢州文獻集成

〔史部〕

第
81
冊

衢州文獻集成

黃靈庚 諸葛慧艷

主編

〔史部〕

第
81
冊

國家圖書館出版社

第八一冊目錄

〔光緒〕開化縣志十四卷（卷十至十四）

（清）徐名立等修（清）潘樹棠纂
清光緒二十四年（1898）刻本

.....

開化縣志卷之十

列女 人物十三

開自兵燹之後凡殉節貞姿未經表彰類多淹沒我

國朝明章婦順遠播風聲雖掘門窮巷莫不發潛德之幽光

誠以閨中苦節較忠臣烈士倍難或甫結褵而遽歌黃鵠

或禾御輪而自矢柏舟或歷盡冰霜曾不改柯易葉或挺

持鋒鏑自甘斷脰陷胸此中別具一番正氣儻不輝諸彤

管其何以風巾幗而激鬚眉乎志列女 舊引

明

潘仲岳妻程氏

仲岳戍遼東程氏送之行解戍者見其邑美戲之氏怒解戍者遂以軍政挾與偕行

法不能阻仲岳與氏計恐在途遭辱氏曰妾
自為計勿慮也給以整裝故還家自縊死

徐

泗妻汪氏

年十八歸泗踰年生子德昇甫三月泗病

持吾父老娶子執顧耶氏泣醫一指血淋漓以誓曰妾
二天者有如日泗卒室如懸罄單居無婢僕躬操井臼
晝夜紉縫以為活德昇聞不率輒痛責卒

時文璧妻魏氏

續文獻通考年二十二而夫亡子嵩尚在
襁褓氏育幼養姑誓不再適年七十餘志

節如一吾紳陳敬
宗皆以詩美之

江仕美妻余氏

名智奴年十九適江甫半載
夫亡勵志守節年七十餘卒

余熙昂妻汪氏

成化丙戌山寇竊發里有惡少年數十輩
乘機掠熙昂財物因而戕之氏年二十有

遺腹恐不能保潛匿外祖家生子聯明教養備至且日
夜悲泣以復父仇為訓聯明年十三即索父仇訟於諸
司置於法副使方師
道以為節孝雙全云

江貞女

名瑞英江德之女有殊色正德十八年饒寇破馬金營瑞英從母匿白馬巖下寇獲之欲殺母瑞英

解耳環首飾遺賊買命母去瑞英投巖而死時年十八

徐悅妻方氏

名大姑饒寇作亂悅與大姑各負一兒匿塢間大姑先遇賊賊殺其所負兒且挾大

姑去悅至賊又將殺之大姑曰釋二命吾則從汝因目悅悅負兒去大姑隨賊行度去已遠因拔賊佩刀自刎賊怒奪刀斬之方豪為之傳

葉天赦妻張氏

名瓊奴遇饒寇欲犯之抱子投河而死

程迪妻劉氏

年十七夫已父欲其再嫁氏斷指為誓守節七十五年

程女菊英

裴川程濂女也性貞靜曉大義有青陽富兒徐生者慕氏邑求婚其父拒之徐百計圖之不能

得賂鄉大夫之有權力者言於督府檄下郡縣發卒圍程氏時女父死矣繫女母若兄劫女將脅而婚之母且行且泣女盥櫛罷更衣盡縫其袷衣而外束以帶甚固懷短刀焉呼其嫂曰我不忍偷一朝之生以貽萬世羞

家有老親幸善事之遂行女兒赴縣縣官刑之慘毒備至女行至半途就輿中以帶自縊而死少時天地晝晦風沙障人如傷烈女冤者縣官大悔命歸而葬之事聞於朝旌其門立祠星口屠隆為之傳

徐 續妻余氏

續卒氏年二十四家貧父母諷之嫁不從守節四十餘年卒

方維憲妾汪氏

年十六生子不數月夫已既除服姑遺之嫁氏泣誓以撫孤自任守節四十餘年

虞 鑑妻汪氏

年二十二夫已二子幼家貧或勸之嫁輒叱拒之鄉里賢其節

徐文洪妾王氏

洪正配程氏生子公選繼娶劉氏生子公迎於氏未踰月氏自生子泣曰吾業已許孺人矣因不

育已子而子公迎未幾洪卒氏年二十四撫育公迎既

長有室矣而夭氏哀痛成疾而卒

方懷珍妻余氏

年二十夫已遺孤甫週氏勵志守節姑惑星家之說諷之嫁氏慟哭幾絕家貧訓子

里人悲其遇而高其節

余惟義妻方氏

名良蕙年二十夫亡或勸之日爾家徒壁姑老子幼奈何氏曰貧病在天姑孤在

我惟力是視何言為於是養姑訓子凡十有六年而孤立年八十四終

程 淳妻方氏

年二十三夫亡氏奉姑同處一室家貧孝養鄰失火姑墜樓傷足氏事之益謹臥起

必負姑於背姑竟愈鄰里舉其孝節

蔣應宏妾夏氏

年十六適應宏十七生承敬迨歲夫亡與正室徐氏矢志雙守歷四十年如一日

吾天示妻汪氏

天示與兄天行同病卒時汪年纔二十遺孤遇歲汪與姆宋矢節撫孤姑性嚴二廢

曲意事之備歷艱苦人無閒言

汪宗堯妻程氏

年十六歸汪未百日夫亡剪髮絕食求死姑百端勸諭之乃絕烟火僅飲水嚼果以

延餘生事姑未嘗少離形骸骨立年五十卒

夏貞女名一芳

吾士通幼孤母為娶氏年俱十四未合登也夫病篤姑令氏手一茶與訣而卒女持

服甚哀里中有謀娶者女聞日夜泣不食未幾骨削如柴臥牀不起姑以藥投不受曰活我何為一日起拜姑曰吾今可以見夫矣連呼其夫而絕

吾惟守妻方氏

年二十一夫亡有勒之嫁者氏截髮矢志守節四十年

鄭應選妻葉氏

名春緋明末避亂山中為兵所執脅之行氏義不受辱遂遇害

胡致禧妻吾氏

名多姑避亂豐源樓上兵驟入氏自知名多姑遂以幼兒付其夫而自墜樓以死

金氏纓奴

長史之女幼失母事繼母曲盡其道弱笄歸庠生江鏞鏞亡盛年居孀百艱不變其節

劉璇妻汪氏

幼從父暄官南都訓以孝經內則年十八歸璇生子恩未幾璇卒諸兄弟欲奪其志

氏怒盡還給產甘苦節孝姑教子冰檠之操凜不可犯給事徐夢漁副使方棠陵上其事於郡守林公行文獎之邑令李文旌以詩諸理齋為之傳卒年八十給事徐儀岡題墓聯云二十攸來青燈幾照孤鸞影八旬歸去白髮還垂九鼎絲

余

純妻江氏

名穩姑及笄歸余半載夫已遺腹生女守節抱養伯姆子文浙為嗣以紡績課讀艱

苦備嘗絕無愠色文浙由貢入官率其婦張氏孝事繼母至七旬而歿邑令林大典首旌其門撫按司府迭獎給粟帛麻城劉天和為之傳

胡

鏞妻徐氏

鏞死遺孤三齡氏守節謝紛華甘淡薄舅姑繼卒伯叔利其財百計凌侵欲再嫁之

徐乃厲聲誓曰頭可斷嫁不可再也非幼子則與良人同歸地下耳後孤成立又天適罹水旱支持戶役衣食不足惟與總同室紡績育孫艱苦百端清操一

夏

衍妻方氏

年十八適衍逾年衍卒哀慟迫切未幾有欲奪其嫁者百計全節

施

珮妻胡氏

勤敏和婉治家有方內外咸稱其賢年二十五夫亡居無何有以勾伍貽累者幾至

傾家氏極力支持撫三子慈濟以嚴有古和丸風卒能成立撫按各旌匾給賞年七十三以壽終仲子守鑑學行稱於時曾孫化行領萬厯己酉鄉薦

施孔立妻吾氏

年十九夫亡生子仁婦居四十餘年而終

魏良策妻徐氏

年二十三策故氏孝翁姑撫育三子治家

里咸重之陳侯訪節義里舉以應獎曰貞節

吾天倫妻胡氏

倫卒氏年二十五無子矢志柏舟久之叔

其家聲氏享年六十五終身言不出入色無喜愠宗黨仰其完節院道本邑咸旌賚焉

魏國衡妻徐氏

年昌少府九行公女中丞世蔭公妹生一

女適郡廩生方搗謙當國衡死時氏年未二十攜女倚父父歿依兄凡宦遊所歷氏皆隨往歸里後獨處一樓去梯以輓轡傳食稱未亡人者五十餘載雖親屬希見其面

國朝

張國翰妻鄭氏

丙戌正月朔兵自新安猝至翰倉皇失措鄭指妾語之曰張氏絕續在此女腹中君

當急攜遠遁母慮我翰乃先行鄭與妯娌十餘人走匿谷中崖上崖峻數十丈下臨深池為邏卒所得鄭度不免乃磨笄自刺血流如注因以血徧塗同匿諸婦之面盡教被髮帶血已乃湧身投崖溺死水中邏卒奪氣不敢近同匿皆得免後妾生男張氏賴以不絕焉

黃貞女

父德初農業賣酒女生八歲許芹源余氏為媳年十四夫以痘瘍寄衣為訣氏持衣大慟時父方他

出母往碓舂米乃攜幼弟赴母訃以凶聞歸而密縫其衣裳投於河屍流數里仍逆流而上止其家門

洪余氏徐氏二烈

獨山農洪大偉妻余氏媳徐氏徐氏名芳年二十三閩寇起徐聞婦人有辱於

賊者心竊恥之次年郭寇再犯開化徐氏與姑避亂山中賊搜得之婦觸石破額血流被面賊知不可強手刃之姑見媳已且哭且罵亦觸死於婦尸旁

汪母徐氏妻戴氏二節

汪二蛟母徐氏婦戴氏康熙甲寅夏閩賊破常山未幾開化陷二蛟

挈家匿城東十里許賊至縛二蛟驅其母妻以行抵大澤戴忽厲聲曰得死所矣徐應聲曰待我賊急持戴袖

袖絕遂沈於水而徐亦一躍而下
二蛟大呼縛索盡絕亦赴水死

劉章壽妻徐氏

劉光漢之子婦光漢罵賊不屈以義烈聞

不屈置氏於樓上令兩卒守之氏佯謂卒曰幸語若主
必成禮乃可守者以告賊喜盛服佩刀而上氏改容迎
之為解所佩刀置案上佯笑曰何不為我具衣飾來賊
欣然下氏引刀自刺守者奪之氏斷其右臂遂自剄死
賊忿甚五截其尸而去

鄭起煩妻余氏

名愛娥年十六歸鄭歲餘夫卒願殉母泣

三日後乃可詰朝妝罷更著新衣徧禮舅姑娣姒略無
戚容舅姑以為疑夜令娣同臥比曙氏促娣曰可早起
晨炊恐賊昇至耳娣出闔戶投繯而絕時年
二十三露屍二十餘日顏色不變如平時

楊有華妻葉氏

名月娥年十八而有華卒守節二十餘年

橋赴水死知縣崔華旌其門
日節烈名其橋曰節婦云

劉大通妻魯氏

父無嗣依女為命甲寅八月賊破栗江大肆焚掠魯氏父女俱被獲氏挽父手死不

肯行賊怒梟其父氏揮手奪刀十指俱墮遂大罵賊賊并殺之

方坎亨妻吾氏

年十六于歸克嫺內則未幾夫亡子尚襁褓矢志撫孤已而孤卒氏號慟絕食求死

舅姑曲為理喻遂獨處一室長齋繡佛茹苦四十餘年有如一日七十二卒

劉起雨妻徐氏

甲寅賊破栗江被掠至桃林壩氏懷抱一子方四月手攜一子大煥甫六歲行至半

橋帶子湧身入水幼子與氏俱殞大煥抱母項沈浮忽為浪泊至崖得甦

余國麟妻徐氏

國麟為名諸生奮志下帷卒以心神過瘁致疾不起二子方幼姑徐復年邁氏續紆

膳姑色養備至甲寅閩變氏扶老攜幼逃避山谷卒未罹害姑歿葬祭盡禮二子俱克樹立年八十七卒孀居

五十餘載節孝兼盡稱為巾幗完人

張懋行妻程氏

名淑述姑疾侍湯藥寢食不離及篤額天請代曲盡孝養初懋行讀書雲門菴脫然

無內顧憂者皆氏力卒以勞瘁不壽氏撫孤成立年七十卒曰予可見舅姑與夫於地下矣

宋逢標妻李氏

孀居勵志事舅姑盡孝甲寅閏變遇賊懼

方數歲相抱而泣賊感歎去得免後二子皆克成立氏守節三十餘年而歿雍正七年

旌

表

程天春妻江氏

夫死寇難氏年二十七誓志靡忒撫三孤皆成立孀節五十餘年督學李公旌曰苦

甘節回

方作礪妻徐氏

名婉姿嫻內則年十八生子魁汝甫週歲夫卒氏絕粒誓以身殉太姑諭以撫孤為

重遵諭強起事太姑及姑皆親奉甘旨遇苦合邑公舉節孝督學方洲彭公表其閭曰風清仇季

夏祈禎妻詹氏

幼端莊不苟言笑甲寅閏變氏被賊掠驛之過盜即躍入深溪三日浮屍如生見者

哀之先是祈禎亦被掠與氏異處昏迷中見氏渾身盡溼意必水死至是果驗

汪日炯妻蔣氏

名如娣閩變開城再陷氏預請於姑願

縊甫殮畢賊果至大肆劫掠人服其哲邑令崔公旌曰純性正烈

余文教妻劉氏

閩變抱子偕里婦避山谷中賊搜山氏見走者被曳不堪遂隨賊行至桃林渡躍入

深水而死

楊有材妻鄭氏

性純孝姑老失明齒落每日登堂跪乳其姑甘旨必親自調護里黨稱為孝婦年甫

三十罹舅姑喪憂勞過甚哀毀成疾而卒子廷琚成進士孫宏俊山東鹽法道人謂孝德之報云

孫文輝妻程氏

題旌冊年二十四夫已矢志撫孤值甲寅閩變奉姑匿山谷閒家貲盡為賊掠遂挈

家遷武林子早卒撫兩孫長孫又不祿三世撫孤

金良梧妻徐氏

年十九夫卒遺腹生子慶炎姑先歿翁憐其少艾欲嫁之氏出拜堂下曰不幸夫死

賴有遺孤何忍出此因指天日自誓夙夜勤紡績供甘旨享年八十一卒里黨咸稱孝節

方作聖妻江氏

名淑嫻閩變父華倡義拒賊城陷聖不屈遇害氏誓守節織紵自給事舅姑生死盡

禮撫侄為嗣教養成立苦守四十餘年人稱一門忠孝

戴應虬妻余氏

應虬素多恙氏代供子職無子而寡能孝養舅姑姑疾衣不解帶目不交睫孀居謝

紛華安淡泊數十年不改族里咸敬之

方廷霖妻鄭氏

夫己年二十九子人驥尚在襁褓室廬為颶風所飄謀窀穸營棲止拮据愈艱矢志

彌篤課子誦讀外令佩陰騭文以自警郡守靳公旌以巾幗完人

汪光彩妻余氏

題旌冊年二十九夫己家貧事姑至孝撫子及孫成立守節三十餘年雍正三年題

旌表建坊請

姚妻鄭氏

蒲村姚雅士之母夫己二子俱幼家貧依母有欲奪其志者矢死不從雅士生而支離為廢人

稍長痛母苦志守節遂疏食終身攻星卜以奉養并為弟娶婦以延宗祧